



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

De secundo Stellato, S. Ioanne Gualberto Florentino, fundatore Monachorum Ordinis Vallis Vmbrosæ. cap. XXXIII.

urn:nbn:de:hbz:466:1-38372

De Secundo Stellato, Sancto Ioanne Gualberto Florentino,
Fundatore Monachorum Ordinis Vallis
Umbrosæ. Cap. XXXIII.



VI Sanctum Romualdum inter Stellatos proxime insequitur, dextra Regulam Diui P. N. Benedicti, sinistra Christi Crucifixi imaginem tenens, is est S. Ioannes Gualbertus Ordinis Vallis Umbrosæ Institor, qui Patre Gualberto Florentino, Petroi oppidi Domino, quod in Regione Vallis Pesæ inter Senas, & Florentiam situm est, natus, militaribus primum disciplinis una cum Fratre Hugone operam dedit, qui cum non multo post a quodam milite incaute occisus fuisset, occasionem Ioanni dedit inimicitias ob interfectum Fratrem cum illo milite gerere. Quem cum multos dies persecutus fuisset, tandem ei apud Monasterium S. Miniatis ad Montem cum armatorum manu occurrit, & gladio euaginato in eum cum ualido clamore irruit: qui cum se circumuentum uideret, nec ullam salutis spem relictam prospiceret, ad eius pedes humiliter procidit, supplexque per eum qui pro salute humani generis eo die Crucis ascenderat patibulum. (erat enim tunc feria sexta parasceues) ueniam sibi condonari postulauit, & fraterne cedis culpam ignosci. Quibus uerbis ac precibus Ioannes impulsus, manum cum ferro repressit, & quasi tunc uocem Iesu in Cruce pendentis audisset, *Pater ignosce illis quia nesciunt quid faciunt*, omne illud quod de Fratris nece odium conceperat confestim infregit, culpam omnem condonauit, frementemque manibus suis erigens, ac bono animo esse iubens, in domum suam deduxit, & in germani præmortui locum surrogauit, ac demum Christi causa impune, ac illæsum abire permisit. Quæ res, quam Deo grata, quamque accepta fuerit, miraculo comprobauit, nam cum Ecclesiam S. Miniatis ingressus, Crucifixum, ante cuius imaginem genuflexus astabat, humiliter pro suis sceleribus imploraret, illico cunctis qui ibi aderant cernentibus ea Crucifixi imago motu capitis illud quod gestum erat comprobasse uisa est, quasi facti gratias agens. Quod quidem posteris pro celeberrimo miraculo eadem Crucifixi imago, usque in præsens ibidem demonstratur. Quo miraculo attonitus Ioannes, relictis omnibus, eiusdem loci Cœnobio, a Congregationis Cluiiacensis Monachis inhabitato, se addixit. Quod cum Simoniaca corru-

D 2 ptione,

prione, sicut reliquam Urbem, & pene omnem Italiam, labefactum
 etiam conspiceret, inspirante Deo, & studio perfectioris Eremiticæ
 Vitæ captus, ad S. Romualdum toto tunc Orbe celebrem, conuola-
 nit. cuius magisterio cum aliquamdiu usus fuisset, nouissimè ab il-
 lo hisce uerbis dimittitur. Rumpè moras Frater, qui Benedictus a
 Domino Nobilis Profecto, Magnæque Deo Opt. Max. acceptæ no-
 uæ Congregationis iam iam fundamenta iacies. Rumpè inquam
 moras, & in nomine Sanctæ, & indiuiduæ Trinitatis, in uocationem
 tuam incumbe. Itaque tanti Patris Benedictione accepta, in eum
 locum ubi Vallis Umbrosa dicitur iuxta Apenninum secessit, ubi
 idoneo, ad seruiendum Deo, comperto loco, Vallis Umbrosani Or-
 dinis, sub norma S. Benedicti, & habitu Veneti coloris (qui a non-
 nullis Griseus uocatur) quo & nunc utuntur, fundamenta iecit, cir-
 ca Annum Domini 1040. Qui postea in diuersis Italiae partibus lon-
 gè lateque diffusus, ab Alexandro Papa II. Anno Christi 1070,
 comprobatus est.

Generales perpetui Ordinis Vallis Umbrosæ.

Cap. XXXIII.



ANCIVS Ioannes Gualbertus, Florentinus, pri-
 mum Monachus Monasterij S. Miniatis Floren-
 tiæ Ordinis S. Benedicti, Congregationis Clunia-
 censis, deinde S. Romualdi Abbatis Discipulus, &
 Eremita; postremo Ordinis Vallis Umbrosæ pri-
 mus Institutor circa annum Domini Millesimum
 Quadragesimum; ordinem a se fundatum in omni Sanctitate rexit,
 eique Abbas, & Generalis primus præfuit annis plus minus triginta
 tribus: & tandem Miraculorum gloria clarus migravit ad Dominum
 Anno Millesimo Septuagesimo tertio, quarto Idus Iulij: & in Mo-
 nasterio suo Vallis Umbrosæ sepultus est, Canonizatus a Gregorio
 Papa VII. ac demum a Cælestino Papa III.

Beatus Rodolphus Florentinus, ex primis S. Ioannis Gualberti
 Discipulis Abbas S. Petri de Mascheto, deinde eo mortuo, secundus
 Ordinis Generalis creatus anno Domini 1073. die 13. Iulij, præfuit
 Annis tribus, & Mensibus quatuor: Obijt anno 1076. die 12. No-
 uembris, & sepultus est in Valle Umbrosa in Sacello Beatorum.

Beatus Rusticus Florentinus, ex primis S. Ioannis Gualberti disci-
 pulis,